



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*  
**Ministria e Kulturës, Rinisë dhe Sportit / Ministarstvo Kulture, Omladine i Sporta**  
**/ Ministry of Culture, Youth and Sport**

---

Prishtinë, **Mars** 2023

## **THIRRJA PËR PROJEKT-PROPOZIMET PËR HULUMTIM DHE DOKUMENTIM NË FUSHËN E SPORTIT**

Ministria e Kulturës, Rinisë dhe Sportit (MKRS), në kuadër të planit të punës departamentit të sportit për vitin 2023, ka prioritzuar mbështetjen e hulumtimit dhe dokumentimit në fushën e sportit. Duke konsideruar se sporti në Kosovë është pjesë e pandashme e historisë, përpjekjes kolektive për kulturë, pavarësi dhe zhvillim, si dhe duke njohur rëndësinë e personaliteteve të shumta sportive për vendin, përmes kësaj thirrje publike MKRS ka për qëllim mbështetjen direkte të atyre të cilët synojnë studimin dhe dokumentimin e së kaluarës sportive vendore (për sportet, klubet, federatat, individët, etj), si dhe hulumtimin e trendeve aktuale e të së ardhmes në fushën e sportit.

Në funksion të kësaj politike programore, MKRS fton organizatat joqeveritare (të regjistruara sipas kërkesave të legjislacionit në fuqi për lirinë e asocimit në organizata joqeveritare në Republikën e Kosovës) dhe individët profesionist të aplikojnë me projekte të cilat ndërlidhen me:

- Studimi dhe dokumentimi i historisë sportive vendore;
- Krijimi i dokumentarëve të ndërlidhur me sportin;
- Krijimi i videove të shkurta informuese mbi sportin;
- Organizimi i ekspozitave me tema të ndërlidhura me sportin;

- Organizimi i konferencave, simpoziumeve dhe tryezave hulumtuese;
- Mbështetja e hulumtimeve, kërkimeve dhe prezantimeve në të gjitha sektoret e ndërlidhura me fushën e sportit;
- Prenzantimi i gjetjeve dhe arritjeve kërkimore në fushën e sportit;
- Botimi dhe përkthimi i librave të ndërlidhur me të gjithë sektoret në fushën e sportit);

**Kriteret e përgjithshme minimale për OJQ, të përcaktuara me dispozitat në vijim:**

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës;
- Të jenë të pajisur me numër fiskal sipas kërkesave të legjislacionit tatimor të Republikës së Kosovës, përkatësisht dokumentacionin ekuivalent sipas legjislacionit të shtetit përkatës për OJQ-në e huaj;
- Të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit;
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe Ministrisë së Kulturës, Rinisë dhe Sportit, siç parashihet me legjislacionin në fuqi në Republikën e Kosovës (stafi i angazhuar për realizimin e projektit nuk lejohet të jetë i punësuar në MKRS ose në institucionet vartëse të saj)
- Vërtetimin që OJQ-ja nuk ka obligime tatimore (nga ATK).

**Kriteret e përgjithshme minimale për INDIVIDË, të përcaktuara me dispozitat në vijim:**

- Të ofrojnë dëshmi të regjistrimit civil në Republikën e Kosovës apo në shtetin ku është e koncentruar diaspora;
- Në rast se individ i ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- Të mos kenë pranuar mjete nga burime tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i

angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj;

OJQ-të dhe Individët nuk kanë të drejtë të aplikojnë me më shumë se 1 projekt-propozim në këtë thirrje publike.

#### **Vlerësimi i projekt-propozimeve do të zhvillohet në dy faza:**

**Vlerësimi administrativ që identifikon** nëse aplikanti ka ofruar të gjithë dokumentacionin e nevojshëm në përputhje me kriteret e përgjithshme dhe të veçanta të përcaktuara me këtë thirrje publike për kategoritë përkatëse.

#### **Vlerësimi përmbajtësor që identifikon:**

- Nëse projekt-propozimi përputhet me fushëveprimin e kësaj thirrjeje publike;
- Nëse projekt-propozimi kontribuon në përmbushjen e objektivave të përcaktuara me këtë thirrje publike;
- Nëse kostot e kërkesës së projekt-propozimit janë reale karshi çmimeve të tregut;
- Nëse aplikanti ka përfunduar të gjitha obligimet paraprake ndaj MKRS-së (nëse është përfitues i thirrjeve paraprake);

#### **Kush mund të aplikojë:**

Të drejtë aplikimi me projektet e tyre kanë OJQ-të dhe individët që dëshmojnë se programi i tyre i punës është i fokusuar në fushën e sportit apo kulturës. OJQ-të duhet po ashtu të kenë kryer transaksionet financiare në mënyrë transparente sipas legjislacionit në fuqi, në përputhje me rregullat e kontabilitetit, si dhe të kenë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike.

Do të konsiderohen për mbështetje financiare vetëm projekt-propozimet që janë dërguar/pranuar brenda afatit të paraparë, të cilat i përmbushin kushtet e përcaktuara me këtë thirrje publike. Afati i fundit për dorëzimin e propozimeve është 15 ditë pune pas hapjes së thirrjes dhe përfundon me datën **21 Prill 2023, në orën 23.59.**

### **Periudha e zbatimit të projekt-propozimit:**

Projekt-propozimi përfitues në këtë thirrje publike duhet të zbatohet në tërësi deri më **30.11.2023**, ndërsa procedurat e raportimit dhe dorëzimit të draftit të plotësuar të programit duhet të përfundohen deri më datën **15.12.2023**.

### **Shkalla e mbështetjes:**

- |                                  |             |
|----------------------------------|-------------|
| ● Shuma minimale e mbështetjes:  | 5.000 Euro  |
| ● Shuma maksimale e mbështetjes: | 15.000 Euro |

### **Dokumentet e nevojshme**

Aplikimi do të konsiderohet i plotë nëse përmban të gjitha format e aplikimit dhe anekset e detyrueshme siç kërkohet në thirrjen publike dhe dokumentacionin e thirrjes si në vijim:

- Formulari i Aplikacionit për projekt/programit,
- Formulari i Propozim buxhetit,
- Formulari i deklaratës për financimit të dyfishtë,
- Formular i deklaratës se partneritetit,
- Forma e deklaratës se projekteve të financuara,
- Dokumentacionet e OJQ-së: Certifikata e regjistrimit dhe certifikata e numrit fiskal, Portfolio e aktiviteteve gjatë dy viteve të fundit, Pasqyrat financiare për dy vitet e fundit nga ATK (2021 dhe 2022);
- Dokumentacioni për bartësin e projektit dhe individët/profesionistët e angazhuar: Letërnjoftimi, CV-ja me përgatitje profesionale;

Në rast të dështimit për të përmbushur ndonjërin nga kriteret e përgjithshme apo të veçanta të përcaktuara me këtë thirrje publike për kategoritë përkatëse, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

### **Mënyra e Aplikimit:**

Propozimet do të dorëzohen vetëm në formularët e paraparë, të cilat janë në dispozicion në ëeb-faqen e MKRS-së: [www.mkrs-ks.org](http://www.mkrs-ks.org) OJQ-të duhet të aplikojnë në thirrje vetëm përmes postës elektronike në email adresën: [dep.sportit@rks-gov.net](mailto:dep.sportit@rks-gov.net). Projekt-propozimet e shtypura në formë fizike nuk do të pranohen për shqyrtim.

### **Titulli që duhet shënuar në subjekt të emaili-it:**

*Thirrja Publike për Hulumtim dhe Dokumentim në fushën e Sportit\_Emri i OJQ-së/ individit*

### **Më shumë informacione rreth thirrjes publike:**

Të gjitha çështjet që lidhen me thirrjen publike **“Thirrja për Projekt-propozimet për Hulumtim dhe Dokumentim në Fushën e Sportit”**, mund të sqarohen vetëm në mënyrë elektronike, duke dërguar e-mail në adresën [fidan.shatri@rks-gov.net](mailto:fidan.shatri@rks-gov.net), jo më vonë se pesë ditë para mbylljes së thirrjes publike.